

07/07/1998

Dr Mustafa lawat Malaysia lima hari

SEPANG, Isnin - Menteri Luar Sudan, Dr Mustafa Osman Ismail, menjadi menteri pertama dari negara asing yang tiba melalui Lapangan Terbang Antarabangsa Kuala Lumpur (KLIA) di sini yang dibuka 30 Jun lalu.

Dr Mustafa tiba di sini kira-kira jam 5.30 petang, adalah dalam rangka lawatan lima hari ke negara ini. Beliau diiringi Gabenor Bank Negara Sudan, Dr Sabir Mohammed Elhassan, Pengarah Jabatan Asia di Kementerian Luar Sudan, Abdul Hafiz Ibrahim dan empat ahli perniagaan negara itu.

Ketibaan delegasi Sudan di Terminal Satelit KLIA disambut Setiausaha Bahagian Asia Barat, Arika dan Pertubuhan Persidangan Islam (OIC), Kementerian Luar, Datuk Deva Mohamad Ridzam.

Sewaktu di sini, Dr Mustafa akan mengunjungi Perdana Menteri, Datuk Seri Dr Mahathir Mohamad dan Timbalannya, Datuk Seri Anwar Ibrahim.

Dr Mustafa juga akan mengadakan perbincangan dua hala dengan rakan sejawatannya, Datuk Seri Abdullah Ahmad Badawi serta Menteri Di Jabatan Perdana Menteri, Datuk Dr Abdul Hamid Othman dan Menteri Pengangkutan, Datuk Seri Dr Ling Liong Sik.

(END)